

Ilinniagaqarnermut akiitsunik taarsersuinermut tapiissuteqartarneq pillugu Inatsisartut inatsisaat

Ilinniagaqarnermut akiitsunik taarsersuinermut tapiissuteqartarneq.

§ 1. Ilinniagaqarnermut Namminersornerullutik Oqartussanut akiitsut aamma ilinniagaqarnermut
aninaaservinnut akiitsut Namminersornerullutik Oqartussanit qularnaveeqqusikkat
taarsersorneqarnissaannut Namminersornerullutik Oqartussat tapiissuteqartarput
1) ilinniagaqarneq naammassineqarsimagaangat imaluunniit kipitinneqarsimagaangat aamma
2) taarsigassarsiat aalajangersimasumik taarsigassarsiatut taarsigassarsiaritinneqaraangata imaluunniit
taamatut taarsigassarsianngortinnejaraangata.

Imm. 2. Makkuninnga pissuteqartumik ilinniagaqarnermut akiitsorilersimasanut
tapiissuteqartoqarsinnaanngilaq:

- 1) tillinniarernik aserorterinernillu
- 2) nerisanut ineqarnermullu akiliingitsoortarsimanermik imaluunniit
- 3) ilinniagaqarnermut tapiissutinik amerlanaarlugit kukkusumilluunniit tunniussisarsimanermik.

Imm. 3. Aningasat pissutsit imm. 2-mi taaneqartut tunngavigalugit atorneqarsimasut nalingi tapiissutissat
annertussusissaasa naatsorsonerini ilanngunneqarsinnaanngillat. Aammattaaq ilinniagaqarnermut
akiitsunik allanik peqarsimappat aningasat taamatut atorneqarsimasut taarsersorsimanerisa nalingi
tapiissutissat naatsorsornerini ilanngunneqarsinnaanngillat.

§ 2. Inunnut Kalaallit Nunaanni najugaqvissunut tapiissuteqartoqartarpoq.

Imm. 2. Immikkut illuinnartunik pissutissaqartillugu inuit Kalaallit Nunaata avataani najugaqartut
tapiissuteqarfingineqarsinnaapput, ilinniagaq naammassisimasaq imaaliallaannarluni Kalaallit Nunaanni
suliffissaqaataalersinnaanngippat imaluunniit ilinniagaqarnermut tapiissuteqartarnerup
ingerlateqqinnissaanut peqatigitillugu ilinniagaqarnermut akiitsutoqqat taarsersorneqarnissaat
piumasqaataasimappat.

Imm. 3. Naalakkersuisut tamakku pillugit sukumiinerusumik maleruagassiorsinnaapput.

§ 3. Qaammatisiutit malillugit ukiup, tulliini ukiumik akilersuiffimmik taaneqartartussap, ingerlanerani
akiliutaasimasut tunngavigalugit tapiissuteqartoqartassaaq, apeqquaatinngu aningasat akiitsunut
taarsersuutitut imaluunniit ernianut akiliutitut akiliutaasimanersut.

Imm. 2. Tapiissutit tunniunneqartassapput ukiup akilersuiffiup tulliani 1. decemberimi, tak. imm. 1,

- 1) akiliutaasimasut katillutik, tak. imm. 1, minnerpaamik 6.000,- kruuniuppata aamma
- 2) tassunga peqatigitillugu akiliutaasimasut ukiup akilersuiffiup ingerlanerani ernialiussaasimasunit
amerlaneruppata.

Imm. 3. Akiitsut amerlasoorujussuusimagaangata qaammammullu akiliutaasartut minnerpaamik 2.000

kruuniusimagaangata imm. 2, nr. 2-mi patsisissaatitaasoq naatsorsuutigineqanngitsoorsinnaasassaaq.

Imm. 4. Tapiiffingeqarnissamik qinnuteqaatit ukiumi tapiissutisiffissami 1. september nallertinnagu nassiunneqareersimassapput.

§ 4. Tapiissutit aallaavittut ukiup akilersuiffiup ingerlanerani akiliutaasimasut nalinginik amerlassuseqartineqartassapput.

Imm. 2. Akilersuisup sumi najugaqarnera kiisalu akiitsut annertussusii suunerilu apeqqutaatillugit tapiissutit qaffanneqartassapput, tamatumani lu aningasat imm. 1 naapertorlugu naatsorsorneqarsimasut kisitsimmik naatsorsuinermi tunngavissat ilaannik ilanggussaq 1-imiittumik amerlisarneqartassapput.

Imm. 3. Imm. 2-mi illoqarfinnik nunaqarfinnillu/isorliunerusunillu agguataarinermi Kalaallit Nunaanni tjenestemandinik agguataarineq qanoq ilisukkulluunniit atuuttoq malinneqartassaaq.

Imm. 4. Akiitsut annertussusii, tak. imm. 2, tassaapput ukiumi akilersuiffimmi decembarip 31-anni akiitsut annertussusii. Tapiissutit ukiup akilersuiffiup aappaaguani 1. december ilanngunneqartussat akiitsut naatsorsornerini ilaatinneqassangillat. Akiitsut annertussusii tassaapput akiitsut tapiissutisiaqataasinnaasut tamakkerlutik katinnerisa nalingi, tak. § 1.

Imm. 5. Akiitsunik assiginngiaartunik ilanggussaq 1-imi taagorneqartunik akiitsoqartoqartillugu taakkua immikkoortui ataasiakkaarlugit tapiissuteqarfingeqartassapput.

§ 5. Ukumi akilersuiffimmi aningasarsiat akileraaruteqaataasussat Namminersornerullutik Oqartussani kommuniniluunniit tjenestemandip skalatrin 30-miittup ukumi akilersuiffimmi, tak. § 3, imm. 1, 30. oktober akissarsiaanit ilanngaatitaqariinngitsunit 1.000 kruuninik amerlaneroriarneri tamaasa § 4 naapertorlugu tapiissutit 0,5 %-imik ilanngarneqartassapput. Naatsorsuisoqalersinnagu akissarsiat ilanngaatitaqariinngitsut aningasanut 5.000-inik agguarneqarsinnaasunut qaninnernut akunnaallineqassapput.

§ 6. Akiitsut sorliit, tak. § 4, imm. 5, tapiissutisiaqarnermut pissutaanerat apeqqutaatinnagu pingarnerutilugu Namminersornerullutik Oqartussanut akiitsut akilersornissaannut tapiissuteqartoqartassaaq.

§ 7. Ukumi tapiissutisiffiusumi 1. decemberimi akiitsut tamarmiusut sinnerlugit tapiissuteqartoqarsinnaanngilaq.

Ilinniagaqarnermi akiitsunik isumakkeerinninneq.

§ 8. Aningaasanik atorsimasoq immikkut ajornartorsiorsimappat ilinniagaqarnermut akiitsunik taarsersuinermut tapiissuteqartarnermi piumasagaataasut naammassisimanngikkaluarpagilluunniit qinnuteqarnera naapertorlugu Naalakkersuisut aningasanut inatsimmi aningasanat amerlassusileriikkat iluanni ilinniagaqarnermut akiitsut tamakkerlugit ilaannaalluunniit isumakkeersinnaavaat.

Imm. 2. Ilinniagaqarnermut akiitsulik toquppat imaluunniit tamakkiisumik innarluuteqalerpat taamaalillunilu akiliisinnaajunnaavilluni akiitsui pinngitsoorani isumakkeerneqassapput.

Imm. 3. Aningaasanik atorsimasup ilinniagaqarnermut akiitsuisa qanoq ilineratigut imm. 1 aamma 2 naapertorlugit isumakkeerneqartarnissaat pillugu Naalakkersuisut sukumiinerusumik malittarisassaliussapput.

Paasissutissiisussaatitaaneq.

§ 9. Qinnuteqartut paasissutissat tapiissutissat naatsorsorneqarnerini pisariaqartut tamaasa saqqummiuttassavaat.

Imm. 2. Qinnuteqartoq paasissutissanik equnngitsunik amigartunilluunniit saqqummiussimappat piumasaqaatigineqarsinnaavoq tapiissutit equnngitsumik tunniunneqarsimasut erniaat ilanngullugit utertinneqassasut. Erniat qanoq angissusiligaanissaat il.il. pillugit Naalakkersuisut malittarisassaliussapput.

Qinnuteqarnermi periusissat.

§ 10. Naalakkersuisut qinnuteqarnermi periusissat taamaaqataallu pillugit malittarisassaliorsinnaapput.
Imm. 2. Naalakkersuisut immikkut ittunik pisoqartillugu aalajangersinnaavaat ilinniagaqarnermi akiitsut Namminersornerullutik Oqartussanit atukkat taakkunanngaluunniit qularnaveeqqusikkat atortitsinissamik neriorsuuteqarnermi qularnaveeqqusiiermiluunniit utertsilluni akilersornissaannut piffissaritaasumit kingusinnerusukkut akilerneqarsinnaasut.

Naammagittaalliorssinnaaneq atulerfissaalu.

§ 11. Inatsit taannaluunniit malillugu malittarisassat naapertorlugit aalajangiineq pillugu naammagittaalliuut aalajangiinerup tiguneraniit sapaatit akunneri sisamat qaangiutsinnagit Ilinniagaqarnersiuteqartitsinermi Naammagittaalliuteqartarfimmuit suliassanngortinnejqarsinnaavoq. Inatsit taannaluunniit malillugu malittarisassat naapertorlugit aalajangiineq tamatigut tamanna pillugu paasissutissamik ilaqtinnejqassaaq.

§ 12. Inatsit una ukiumit akilersuiffimmit 1994-imit atuuttussanngorlugu 1. januar 1995 atortuulersinnejqarpoq.
Imm. 2. Ilinniagaqnermut akiitsunut oqilsaassivigineqartarneq pillugu Inatsisartut inatsisaat nr. 15 ulloq 23. november 1989-imeersoq kingusinnerusukkut allannguutilik atortuujunnaarsinnejqarpoq.
Imm. 3. Inatsit imrn. 2-mi taaneqartoq naapertorlugu allaffeqarfikkut aalajangersakkat atortuuinnassapput inatsit una naapertorlugu aalajangersakkat naapertorlugit allanngortinnejqarnissamik atorunnaarsinnejqarnissamilluunniit tungaanut.

Namminersornerullutik Oqartussat, ulloq 3. november 1994

Lars Emil Johansen

/

Emil Abelsen

Ilanngussaq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut